

# АМЕРИКА ҚҰРАМА ШТАТТАРЫНЫҢ ЕЛШІЛІГІ

010010, Қазақстан Республикасы,  
Астана қаласы,  
«Ақбұлақ-4» шағынауданы  
22-23 к., 3-үй

Тел.: 7 (7172) 70-21-00  
Факс: 7 (7172) 34-08-90  
E-mail: info@usembassy.kz  
Web site: www.kazakhstan.usembassy.gov

АҚШ-тың Алматыдағы Бас консулдығы  
Жолдасбеков к-сі, 97  
Қоғаммен байланыс бөлімі  
Тел: 7 (727) 250-48-14  
Факс: 7 (727) 250-48-67

№ 28

10 маусым, 2010 жыл

## АҚШ ҚАЗАҚСТАН СУДЬЯЛАРЫНЫҢ КОММЕРЦИЯЛЫҚ ҚҰҚЫҚ ТАҚЫРЫБЫНДАҒЫ СЕМИНАРЫНА ҚОЛДАУ КӨРСЕТЕДІ

Маусымның 10-11-і күндері Щучинск қаласында Қазақстанның Жоғарғы Соты мен АҚШ-тың Халықаралық даму агенттігі (ЮСАИД) бірлесіп зияткерлік меншік және коммерциялық құқық салаларындағы құқықтық біліктілік тақырыбына арнап екі күндік семинар өткізбек. Семинарды Қазақстан Судьялар одағының төрағасы Владимир Борисов пен ЮСАИД-тың Орталық Азиядағы аймақтық миссиясының басшысы Эндрю Сиссон ашады, бұл - Қазақстандағы жетілген сот жүйесін қалыптастыру жолындағы АҚШ пен Қазақстан арасындағы әріптестіктің үлкен мысалы деуге болады.

Қазақстандық судьялар коммерциялық құқық принциптерін тереңірек түсініп, оны бірыңғай негізде қолдануға ниет танытып келеді. Қазақстанда жұмыс істеп жатқан отандық және шетелдік компаниялар елдің коммерциялық соттарында тыңдаулардың әділ өтуіне мүдделі. Бүкіл ел аумағындағы судьялардың кәсіби деңгейі мен тәуелсіздігін арттыру - Қазақстанның бизнеске қолайлы жағдай қалыптасқан дамыған елу елдің қатарына кіру жөніндегі керемет жоспарын жүзеге асырудың бір қадамы болмақ.

18 наурызда ЮСАИД пен Жоғарғы сот экономикалық салада құқықтық білім беру жобасын жүзеге асыру мақсатында Өзара түсіністік туралы меморандумға қол қойған. Бұл бағдарламаның мақсаты – экономикалық және коммерциялық дауларды лайықты түрде шешудегі Қазақстан сот жүйесінің мүмкіндіктерін арттыру. Мұндағы АҚШ-тың көмегі зияткерлік меншік, халықаралық коммерциялық құқық, халықаралық арбитраж, патент құқығы және халықаралық сот шешімдерінің орындалуы салаларындағы судьялардың біліктілігін арттыруға бағытталмақ.

ЮСАИД пен Жоғарғы сот судьялардың кәсіби деңгейін көтеру, мәселені шешу мүмкіндігін арттыру және өзін-өзі басқаруға үйрету салаларында 1996 жылдан бері әріптес ретінде жұмыс істеп келеді. Мұның бір мысалы – Қазақстанның түкпір-түкпіріндегі 39 сот ғимаратында бейтаспаға жазу құралдары орнатылды. Бұл жүйелер қазірдің өзінде судьялар мен адвокаттардың кәсіби біліктілігін арттыруға және шағымданушылар мен жауапкерлер алдында істердің ашық-жария түрде өтуіне жәрдемдесіп отыр.

Биліктің сот және атқарушы тармақтары шынайы түрде бөлінгенде Қазақстан нағыз демократияны орнықтыру жөніндегі ұзақмерзімді мақсатына қол жеткізуде үлкен қадам жасайды. Десе де, біз Қазақстан соттардағы жемқорлықты жою және сот билігі мен атқарушы билік арасын бөлуде күрделі де жүйелі реформаларды жүзеге асырып жатыр деп ойлаймыз. Берік стратегиялық әріптестік аясында Америка Құрама Штаттары осы маңызды мақсатқа қол жеткізуде стратегиялық әріптес ел - Қазақстанмен тізе қоса жұмыс істей бермек.

Қосымша ақпарат алғыларыңыз келсе, Астанадағы АҚШ Елшілігінің баспасөз, мәдениет және білім бөліміне хабарласауыңызға болады. Телефондар: 8 (7172) 70-22-16 немесе 8 (7172) 70-24-15.

###